

華東師範大學圖書館藏

稀見叢書匯刊

黃秀文 吳平◎主編



北京圖書館出版社



黃秀文 吳平◎主編

北京圖書館出版社

華東師範大學圖書館藏

稀

見

叢

書

匯

刊

26



第二十六冊目錄

《高梅亭讀書叢鈔·嘉懿集續鈔》卷二至卷四·····	一
《高梅亭讀書叢鈔·明文鈔初編》卷首至論語上·····	四二七

立政不可不嚴。
行政不可不寬。

亦有地同事同。
而今昔之勢不
同者。政不貴詳
而貴順。順之一
字。真百世之師
也。

政治第三

此條所鈐大要在教養兩端因革
興廢科條簿書之事亦連及之



為政寬嚴孰尚。曰張嚴之聲。行寬之實。政有綱。令有信。使人望氣
肅畏者聲也。法從輕。賦從薄。使人安靜自達者實也。若乃始焉玩
易。啟侮終焉。刑不勝奸。雖欲行愛人利物之志。吾知其有不能也。
合下何西時

凡蒞事之始。不可自出意見。以立科條。雖常有所受之。亦恐易地
不便於俗也。苟人情有拂。而固行之。終必扞格如病。其難行而中
變。後有命令人弗信矣。故初政莫若一仍舊貫。如行之宜焉。何必
改作。或節目未便。熟察而徐更之。人徒見上下相安。而泯不知其

以因循為安靜
以紛更為振作
二者皆非

所自不亦善乎故君子視俗以施教察失而後立防也
敝政有當革者必審稽原委而其更也公私兼利夫復何疑若動
而利少害多不若用靜吉也

天下不能常治有弊所當革也猶人身不能常安有疾所當治也
溺於晏安而因循弗革是卻藥屏醫而覲疾之自愈也率意更張
而躁求速效是雜方俱試而幸其一中也

烹魚煩則碎治民煩則亂故以叢脞為戒器久不用則蠹政不常
脩則壞故以屢省為戒多事非也不事事亦非也

困學紀聞

風俗天下之大事庶恥士人之美節為政者當以扶綱常正名分

重道義為第一

合下熊勉齋居官格言

朝廷立法不可不嚴有司行法不可不恕不嚴則不足以禁天下之惡不恕則不足以通天下之情

情有可通莫於舊有者過裁抑以生寡恩之怨事在得已莫於舊無者妄增設以開多事之門若理當革時當興合於事勢人情則非所拘矣

善啟迪人心者當因其所明而漸通之毋強開其所閉善移易風俗者當就其所易而漸反之毋強矯其所難

請蠲請賑姑了目前之事不知汰一苛吏革一弊法痛裁冗費務

美意良法相輔而行神而明之存乎其人有世道之責者當思為法以擇人毋因人而病法

省虛文乃永遠便民之事

當官文書簿籍須逐日結押不可拖下一有叢集不惟誤厥事機吏書且得乘其忙襍而勝之矣

有美意必須有良法乃可行有良法又須有良吏乃能成良吏者本真實之心有通變之才厲明作之政者也心真則為民懇至終始如一才通則因地宜民不狃於法明作則禁止令行察奸釐弊如是而民必受福故天下好事要做必須定做虛者為之則文具以擾人不肖者為之則濟虐以害政不如不做無損無益合下呂叔簡無治人則良法美意反以殃民有治人則弊習陋規皆成善政故

為政有張弛有
寬嚴無非維
持此大體大體
既得更張何為
末論寬猛流弊
更為切中

有文武之政。須待文武之君臣。不然青萍結綠。非不良劍也。烏號
繁弱。非不良弓矢也。用之非人。反以資敵。予觀放賧平糶。檢災均
地。鄉約保甲。社倉官牛八政。而傷心焉。不肖有司。放流有餘罪矣。
從政自有箇大體。大體既立。則小節雖有牴牾。當別作張弛以輔
吾大體。之所未備。不可便改絃易轍。譬如待民。貴有恩。此大體也。
即有頑暴不化者。重刑之。而待民之大體不變。待士有禮。此大體
也。即有淫肆不檢者。嚴治之。而待士之大體不變。彼始之寬也。既
養士民之惡。終之猛也。槩及士民之善。非政也不立大體故也。
一法立而一弊生。誠然。然因弊生而不立法。未見其為是也。夫立

法以禁弊。猶為防以止水也。堤薄土踈。而乘隙決潰。誠有之矣。未
有因決而廢防者。無弊之法。雖堯舜不能生。弊之法。亦立法者之
拙也。故聖人不苟立法。不懲小弊。而廢良法。不為一時之弊。而廢
可久之法。

商鞅相秦。安石相宋。總為悖乎理。逆乎情。法實不良。弊亦太甚。
若能在情理上講求不錯。自可一直做去。甫歌孰殺。旋誦誰嗣。
不害其為良法也。
因偶然之事。立不變之法。懲一夫之失。苦天下之人。法莫不良於
此矣。

朱子有云。法制無全利。無全害者。要看分數如何耳。如此紛更。總由未衡於分數之多寡也。

為政要使百姓大家相安。其大利害當與革者不過什一。此外只宜行所無事。不可有意立名建功。以求烜赫之譽。故君子之建白。以無智名勇功為第一。至於雷厲風行。未嘗不用譬之天道。然以冲和鎮靜為常。疾風迅雷間用之而已。興利無太急。要左視右盼。革弊無太驟。要長慮却顧。

為政者貴因時事。在當因不為。後人開無故之端。事在當革。不為後人長不抹之禍。

有一種人以姑息匪人市寬厚名。有一種人以毛舉細故市精明。名皆偏也。聖人之寬厚。不使人有所恃。聖人之精明。不使人無所容。敦大中自有分曉。

民情不可使不便。不可使甚便。不便則壅闕而不通。甚者令之不行。必潰決而不可收拾。甚便則縱肆而不檢。甚者法不能制。必放溢而不敢約束。故聖人同其好惡。以體其必至之情。納之禮法。以防其不可長之漸。故能相安相習。而不至於為亂。

聖人之道。本不拂人。然亦不求可。人人情原無限量。務可人不惟不是。亦自不能。故君子只務可理。

溺者輔也教有所窮以刑輔之非專主乎刑也本末先後之間不可不知

教幼學童子亦應如是

水以潤苗。水多則苗腐。膏以助焰。膏重則焰滅。為治一寬非民之福也。故善人百年始可去殺。天有四時不能去秋。

要知用刑本意原為弼教。苟寬能弼教。更是聖德感人。更見妙手作用。若只恃雷霆之威。霜雪之法。民知畏而不知媿。待無可畏時。依舊為惡。何能成化。故畏之不如媿之。忿之不如訓之。遠之不如感之。

智慧長於精神。精神生於喜悅。若責人者與其怒之。也不若教之。與其教之。也不若化之。從容寬大。諒其所不能。而容其所不及。恕其所不知。而體其所不欲。隨講說隨時開諭。彼樂接引之誠。而

曰五教在寬曰
德行善誘純是
一片善的成就
與其餘者不
同其純純者
無別

喜於所好。感督責之寬。而媿其不材。人非木石。無不長進。故曰敬。
敷五教在寬。又曰善誘人。今也不令而責之。豫不明而責之。喻未
及令人先懷怒意。挺詬恣加。既罪矣而不詳其故。是兩相讐。兩相
苦也。為人上者切宜戒之。
第一要愛百姓。朝廷以赤子相付托。而士民以父母相稱謂。試看
父母之於赤子。是甚情懷。便知長民底道理。就是愚頑梗化之人。
也。須耐心漸漸馴服。王者必世而後仁。揣我自己德教有俄頃過。
化手段否。柰何以積習慣惡之人。而遽使之貼然。我順一教不從。
而遽赫然武威耶。此居官第一戒也。有一種不可訓化之民。有一

種不教而殺之罪此特萬分一耳不可以立治體

一門之內數十口之家尚有頑良剛柔之不齊況一邑之衆豈必皆頑又豈能皆不頑耶正為民有頑良也故設官以治之若皆良也設此官也何用居官者動云民頑難治非一切聽其自然則一切加以刑怒皆偏見也耐心馴服四字可為居官藥石太古之世上下相忘不言而信中古上下求相孚後世上下求相勝上用法勝下下用欺以避法下以術勝上上用智以防術以是而欲求治胡可得哉欲復古道不如一待以至誠誠之所不孚者法以輔之庶幾不死之人心尚可與還三代之舊乎

古之聖王不盡人之情。故下之忠愛。嘗有餘。後世不然。平日君民相與。僅足以存體面。而無可感之恩。其或拂其心。而懷待逞之志。至其趨大事。犯大難。皆出於分之不得已。以不得已之心。供所不欲之役。雖臨時固結。猶恐不親。而上之誅求責望。又復太過。故其空名積勢。不足以鎮服人心。而庇其身。國嗚呼。民無自然之感。而徒迫於不得不然之勢。上無油然而愛。而徒劫之不敢不然之威。左矣。

新法非十有益於前。百無慮於後。不可立也。舊法非於事萬無益。於理大有害。不可更也。要在文者實之。偏者救之。敝者補之。流弊

反○之○怠○廢○者○申○明○而○振○作○之○此○治○體○調○停○之○中○策○百○世○可○循○者○也○
凡○居○官○為○前○人○者○無○干○舉○矯○情○立○一○切○不○可○常○之○法○以○難○後○人○為○
後○人○者○無○矜○能○露○迹○為○一○朝○即○改○革○之○政○以○病○前○人○此○不○惟○不○近○
人○情○政○體○自○不○宜○爾○若○善○政○弊○規○不○妨○改○圖○只○是○渾○厚○便○好○

總○不○外○一○恕○字○而○中○正○平○易○不○失○已○亦○不○失○人○不○廢○事○亦○不○滋○
事○前○人○後○人○均○當○奉○為○龜○鑑○者○也○中○云○不○惟○不○近○人○情○政○體○自○
不○宜○爾○可○見○本○乎○人○情○即○合○乎○政○體○又○與○世○俗○假○公○濟○私○以○私○
害○公○者○迥○別○

為○政○以○問○察○為○第○一○要○此○堯○舜○治○天○下○之○妙○法○也○今○人○塞○耳○閉○目○

只恁獨斷以為寧錯勿問恐蹈耳軟之病大可笑此不求本原耳
吾心果明則擇衆論以取中自無偏聽之失心一愚暗即詢岳牧
芻蕘尚不能自決况獨斷乎所謂獨斷者先集謀之謂也謀非集
決不精斷非一已不決

簿書所以防奸也簿書愈多而奸愈黠何也千冊萬簿何官經眼
不過為左右開打點之門廣刁難之計為下司增紙筆之孽為百
姓添需索之名舉世昏迷了不經意以為當然一細思之可為大
笑有識者裁簿書十分之九而上下相安弊端自清矣
治道只要先王一點心至於制度丈為不必一一復古故為政不